

Pola Pilipainandmo tiratna timbiŋ rapar Outna kam

Na an minna Pola macait aniaca kataca Iuropna pitrik waŋmo outta tanŋa laruatke, ma tanŋa kam wembaŋ laŋmo Masedoniana pitrik waŋna auŋ aniac Pilipaia tikca wiwiti-rina. Na u, Iesusna Up Anŋirena Ramtairta Aiŋna Nininina Timbigta Kapna sapta 16 wes 8 tanŋa wes 15na inikca wat, an kamma an ndeacrena. Na inŋmbaia ma kabena auŋa tanŋa eacri, mina manmo kac ŋgoreaca tikrina. Na ma kac ŋgoreac ndeacrina minna ma waracrinanna, ramtair ndeida Pilipaina Iesusa ripacrena laiplacarta ritipaikca mo pauririna. Aintik aia gan timbiŋ rapara Pola Pilipainanda neanŋa taŋrinanna, aia watrina, an reikca Polmo makukca mba neanŋrina. Wanaiŋ. Ma Iesusmo matau ŋgoinna ripaca ma tonŋton ŋgoinna eacrena.

Na ŋgaua Pola ma kitukndukca matpiatke, na Pilipainanda manmo kitukndukca neanŋa tanŋa manmo otacatna. Ainda moca gan timbiŋ rapar mbuŋa mina manmo an reikca morinanna, moca ma minmo kam laŋa neanŋrinan. Na ma toco, mina ritipaikca moi gagraŋa mori, moca mina mana moca tamtam ndamŋi nari, na mina iroar inkarca wewettara mba eacitndait.

Na Pola minmo an reac laŋ aniaca Raraŋ Aetaniaca minmo neanŋrina kam ndoprina, na

anna an eteacna wat ngamma, mina Karais Iesus ndambunnan anjirinan. Na ma minmo gaindoprina, mina Iudanangepta tipemb wandikta kirara mba ranjaica an reac laja anjirinan. Wanaij. Mina Iesus ningikca ripaca anjirina. Na Pola tongorinanna, Pilipainanda Karaisna tipemb kirarira anjina. Na Karaisa ma gaind ndamjirina, ma irembta ramootta wanaij, na ma ndona tojtoj mbuja mba ranjairina. Wanaij. Ma ndomo anjica irikca an aiya Rarañ Aetaniaca manmo neanjirinanna, ma anna morina. Na Pol aindoprina, meikramtaira Karaismo matau ngoinna mikrenan, mina Rarañ Aetaniacna iroar inkar wewettara anjirena, na mina tojtoj ngoin.

Na an minna aia gan timbiñ rapara tirrinan, aia gaind ndamjirina, Pola ma an Pilipaina Iesusna ritipaikta meikramtairta tumbunmo tojtoj ngoin.

Pilipainangepca Polmo mataua mikca ma minmo tojtoj ngoin

(1—4)

¹ Anja Polapa Timoti, anja Iesus Karaisna aiya morena ramootniñ, anja Pilipai auñ aniacna Karais Iesusna Rarañ Aetaniacna meikramtair muruñcaminapa, ne Iesusna ritipaikta meikramtairta tumbunna nginainga mona ramtair pañaindapa, aiya morena ramtair pañaindmo, gan timbiñ rapara neanja makipek.

² Na aina Aet, Raraŋ Aetaniacapa Iesus Karaisa nenmo kadmaica nena iroar inkarmo moi wewettaca laŋ ndeacnandet.

Pola Raraŋ Aetaniacmo kam laŋ neaŋrinan

³ Na memetmbaca aku nenmo lamŋirenan, na aku ndona Raraŋ Aetaniacmo kam laŋ neaŋrenan.

⁴⁻⁵ Na aku nenmo toŋtoŋ ŋgoin, an minna ne ripacatna ra tikca kipca mandeacna min, ne aiap mikca aia kam wembaŋ laŋna kambmo nenmo wiwitirinan. Aintik mbembendeiara aku nenmo otacna morenanna, memetmbaca aku toŋgoca mbembendeia morenan.

⁶ Aintik aku lamŋirinan, Raraŋ Aetaniaca ma ndo aiŋ laŋa moa ŋgeprinan. Na ma moi taŋ, taŋi an aiŋirta mamamai. Aintik Karais Iesusna kikipna Ra tikca, an aiŋira mainandet.

⁷ Na aku kac ŋgoreaca eacrenan, co, otaca kam wembaŋ laŋa moa gagararenanna, ne muruŋa aukap mikca an aiŋa Raraŋ Aetaniacna kakadmaina opotac mbuŋa aukmo neaŋrinan, na ne otacrenan. Aintik ne aukna iro inikca eacrenan, anna wandoŋ ŋgoin, aku nenmo iro laŋap.

⁸ Na Raraŋ Aetaniaca lamŋirenan, Karais Iesusna matŋjia aukna nikinik iromo moa toŋtoŋ aniac ŋgoinna moa nenmo muruŋa watna.

⁹ Na memetmbaca aku gainda mbendeirenan, kabena meacramootmo matŋjirena tipna kirara ma gagaraca nena eteacna watta larua eacraŋ,

1:2 Ro 1.7, na Gal 1.3, na Pm 1.3 **1:3** Ro 1.8, na 1 Ko 1.4, na Epe 1.15-16 **1:6** In 6.29, na 1 Ko 1.8, na Pil 1.10, na 2.13, na 1 Te 1.3 **1:8** Ro 1.9, na 2 Ko 1.23 **1:9** 1 Te 3.12, na Pm 1.6

te, ne landamñiara wit angingandet, na nena iroara mataua piarnandet.

¹⁰ Ainda moca ne tipemb kirarirmo, muruņa mataui watrapaca tipemb kirarir lainmo riac angi. Na Karaisa meikramtair muruņcaminmo ritri waparaca mona Ra, ne ratar koind teacnandet, na reac ianna makukca ne mba angiitndai.

¹¹ Na an tipemb kirarir wandoik lainga Karaisa moa larurenanna, nenmo min ngoinna tiknandet. Te, meikramtaira an mbatca mina Raraņ Aetaniacmo i aniaca neanñandet, na mana imo angi ngepnandet.

Pola kac ngoreaca eacri, na anna ndo kam wembaņ laņa otaca moa gagrarenan

¹² Na ne Iesusa ripacrena laiplacar, aku tongorinanna ne gaind ndamñi, aku kac ngoreaca eacrinanna, anna ma kam wembaņ laņmo mba leacrinan, wanaiņ ngoin. Anna ma kam wembaņ laņmo moa gagrarenan.

¹³ Ainda moca Sisana kaca bubuocrena lapoca ruņrena ramtairapa kabena meikramtair toco, mina malamñiat, anna aku Karaisna aiņa morinan, aintik mina aukmo kac ngoreaca tikrinan.

¹⁴ Na Iesusa ripacrena laiplacarta wiwit aniac, mina aukmo kac ngoreaca eacrenanna ndamñireke, na anna ndo mina nikinik iroarmo, moa gagraca mina Kacootmo gagraca ripacrinan. Na mina nanambi ngocor, mina gagraca Raraņ Aetaniacna kam wiwitina morena.

1:10 Ro 12.2, na Epe 5.10, na Pil 1.6, na 2.16, na 1 Te 3.13, na Ib 5.14 **1:12** 2 Ti 2.9 **1:13** Up 28.30, na Epe 3.1

15 Na anna gidik, mina ramtair ndeida watinanna, meikramtaira aukmo i aniaa neanrenan, na mina aukmo naterenan, na mina aukmo mo irikrenan, na anna minij mbuja mina Karaisna kam wiwitirenan. Na mina ndeida iroara landamji laingap tik, mina kambmo wiwiritiran.

16 Na an ramtaira lamjirenan, aku kac ngoreaca eacrenanna, aku kam wemban lajna kambmo mo gagaranan, aintik mina aukmo mamatji ngoin, na mina kammo wiwitirenan.

17 Na aukmo nda mboprena ramtaira mina ndorita irembmo anji ngepna morenanna, aida moca mina Karaisna kammo wiwitirenan. Na mina iroara landamji lain kocor tik, mina aida morinan. Na aku kac ngoreaca eacrenanna, mina aukmo kabena makuk mac neanja morena.

18 Aida moca mina iroar laingap, co, iroar ngoricap, mina muruja Karaisna kambmo wiwitirenan, na anna aukna nikinik iroa moca tonjon ngoin.

Pola gaida lamjirinan ma eacraŋ te, ma Pilipainandmo otacnandet

19 Na aku tonjoranndet, anna aku lamjirenan, memetmbaca ne mbendeica Raraŋ Aetaniacmo digica ma aukmo otacrenan, na Iesus Karaisna Nerona aukmo mo gagrarenan, na an taup mbuja Raraŋ Aetaniaca aukmo otaca, aku kac ngoreacmo tikcarica laruca raekca eacraŋ.

20 Aida moca aku tonjorinanna aku reac

ianmo katti mo nari, moca aku anna numbir anji nari. Wanaij. Na aku gaind ndamjirinan, mandeac, co, injmbai toco aku gargar ngoinna witikca aku tipemb kirarir lainga moranj, na an tipemb kirarira aku memetmbaca morenan. Na aku eacrenan, co, aku menac te, an reiki aku muruŋa morenanna, mina Karaismo i aniacaneanandet.

²¹ Na aukna iro landamjia gaind. Na aku eteacna watap eacraŋ te, aku Karaisap eacraŋandet. Na aku menac te, aku reac laŋ ngoinna anjinandet.

²² Na aku menac ngocora eacraŋ te, aku meikramtair wit aniacmo otacnandet. Na aku titocna taupca ranjaiit? Aku mba lamjireke.

²³ Na anmo aku iro mbuniŋap. Aku tonjgorinanna, aku tanca Karaisap eacna. Na anna ma laŋ, laŋ ngoin.

²⁴ Na aku gan tiacarpaikca eacraŋ te, aku nenmo otacnandet.

²⁵ Na aku gagraca ripacrenanna, aku nenmo otacna aiŋap, aintik aku lamjirenan, aku eacraŋandet, nenapmo aiŋa moranandet, na nenmo otaca moi gagraca ne ripaca tonjtona eacnande.

²⁶ Aında moca an minna aku nenmo mac nda kipi laru te, ne aukmo tonjgoca Karais Iesusna imo anji ngepnandet.

Raraŋ Aetaniaca Pilipainandmo moa laŋa moca minmo watcarica mina makukara anjirinan

²⁷ Na reac aniac ianna gaind, nena tatanj eteaca ma wandonj ningik ndeacrañ, na ne Karaisna kam wembanj lañ ningikmo matau rangairañ. Na aku nenmo kipca wat te, co, aku nena kamb tingikca warac te, aku lamñinandet, ne gagraca witikca eacrenan, na iro kabea eacrenan, na an iro kabe mbuñja ne meikramtairmo, mo ñgepca mina kam wembanj lañmo ripacna.

²⁸ Na aku lamñinandet, nena puññangepca nenmo moca ne rugutta mba moitndai. Na mina nenmo wat te, ne nanambi ñgocor, mina gainda lamñinandet, mina topnandet. Na Rarañ Aetaniaca ndo nenmo moca ne laiñ koind teacnandet.

²⁹ Na ne warac. Rarañ Aetaniaca nenmo mataua morenan, na nenmo watcarica, ne Karaisna aiña morenan. Na ma nenmo Karais ningikmo ripacna mba watari, wanaiñ. Ma nenmo watcarica ne toco mana i mbuñja girgir anjirinan.

³⁰ Ainda moca ñgaua ne watrinanna, aku an runduñja ruñrinanna, aku an runduñ maeacreke, na mandeaca ne waracrina kamma aku maruñreke. Aintik ne girgir anjirenan, na anna ne aukap mikca an runduñja eacrenan.

2

Aia iro kabea eaca kabena meikramtairmo tipemb kirarir laiñja morañ

¹ Na Karaisa ma nena nikinik iroara moa gagararenan ki? Na ma nenmo matñica tonñon

1:27 1 Ko 1.10, na Epe 4.1, na Pil 4.3, na Kol 1.10, na 1 Te 2.12

1:29 Up 5.41, na Ro 5.3, na Epe 2.8 **1:30** Up 16.19-40, na Pil 1.13, na Kol 2.1, na 1 Te 2.2

ngoinna morena ki? Na anna nena iroar inkara moa wewettarena. Na ne Neron Ratta mikca eacrenan. Na ne kabena meikramtairmo kadmaica minmo otacrena.

² Na ainda mo te, ne tipemb kirarir lainga moran te, aukna tonjonja minna tiknandet. Na ne murunja iro kabe ningikca utin, na kabena meikramtairmo matnja tongorena tip kirar kabea ranjairan. Na ne nikinik iro kabe ngoinna eacran.

³ Na ne ndori koindmo kai lamjiran teac, na ndorita irembmo mo ngepranja. Wanain. Ne ndorimo mo irik, na gaind ndamji, kabena meikramtaira nenmo kunda tamuymbai.

⁴ Na ne ndorita reik tingikca kai bubuocran teac, kari ngoin. Ne kabe, kabea nena kabena meikramtairta reikmo ne bubuocran, na minmo otaca mina lain ndeacnandet.

Karaisa ndomo mo irikri, na Raran Aetaniaca manmo anji ngeprinan

⁵ Na an iro landamnja Karais Iesusa utinrinanna, ne toco an kirar kabemo utin.

⁶ Na ma Raran Aetaniac, gidik ngoinna laruca eacrinan. Na Karaisa gainda mba mbopatke, "Aku Raran Aetaniac toc ndeacna." Wanain.

⁷ Ma an tipna kirarmo tikcarica, ma ramootna kirara laruca, na tuomna ain kamaindna aina mona ramoot ian toc malaruat.

2:3 Ro 12.10, na Gal 5.26, na Epe 5.21, na Pil 1.15-16, na Ie 3.14

2:4 1 Ko 10.24, na 10.33, na 13.5 **2:5** Mt 11.29, na In 13.15, na 1 Pi 2.21, na 1 Io 2.6 **2:6** In 1.1-2, na 5.18, na 10.33, na 17.5, na 2 Ko 4.4, na Kol 1.15, na Ib 1.3 **2:7** In 1.14, na 2 Ko 8.9, na Gal 4.4, na Ib 2.14, na 2.17

⁸ Na meikramtaira manmo watrinanna, ma ramoot ngoin ndarua eacrinan. Na ma ndomo mo irikca ma Raraŋ Aetaniacna kambca raŋgairenan, taŋga ma menacrinan, na anna gidik, ma taŋga ik naaŋgi keraca mamenacat.

⁹ Na anna miniŋna moca Raraŋ Aetaniaca manmo aŋgica ngepca manmo tamuŋ ngoinna tikrinan. Na ma manmo i laŋ ian ngoin neaŋrinan, na an ia ma kabena irembmo tamuŋ ngoin.

¹⁰ Na an ia ma Iesusa neaŋrinan, te, ɲeɲgaurapa, meikramtair muruŋcamiŋapa, an auŋ tamuŋnanapa, gan tiacarpaikapa, mana pitrik mbinnannap, mina muruŋcamiŋa Iesusna lamniac ngoutmo, tutpemb rimbitca mana kaŋgaukca eacnandet.

¹¹ Na mina muruŋcamiŋa aindopnandet, “Iesus Karaisa ma Kacoot.” Na an tipna kirar mbuŋa mina Raraŋ Aetaniac Aetmo, i aniac neaŋnandet.

Na aia meikramtairta rikmo tacna memetac toc ndeacna

¹² Aintik aukna aikndamtair, memetmbaca ne aukna kambca raŋgairenan, na mandeac toco ne ainda moran. Na aku nenap eacrena kidrik niŋgikca ne kambmo kai raŋgai teac, wanaiŋ. Na mandeaca aku tawanna eacrenan, na ne matau ngoinna an kammo raŋgai. Na Raraŋ

2:8 Mt 26.39, na 26.42, na In 10.17-18, na Ro 8.3, na Ib 5.8, na 12.2 **2:9** In 17.1-5, na Up 2.33, na Epe 1.20-21, na Ib 1.3-4 **2:10** Mt 28.18, na Ro 14.11, na KIEK 5.13 **2:10** Ais 45.23 **2:11** In 13.13, na Up 2.36, na Ro 10.9, na 1 Ko 8.6 **2:12** Nɲap 2.11, na Epe 6.5, na Pil 1.5, na 1 Pi 1.17

Aetaniaca ma nenmo mac nda anjirinan, na mandeaca ne an reac lanjmo anjiranna, ma larapacrinan, na ne Raranj Aetaniacmo rugut moca nanambia gidik ngoinna aiija moi gagra wandacranj.

¹³ Na aia lamjirenan, Raranj Aetaniaca ma nena nikinik iroarmo, ma aiija morenan. Na ma ndo nena tonjonmo mo ngepca, ma ndo tonjorina tipna kirara ne monandet. Na ma nenmo an tipemb kirarira momona gagara neanjrinan.

¹⁴ Na reikca ne morenanna, ne lanjanna eaca ne moranj. Na ne an nake, kai kekelamun ke teac.

¹⁵⁻¹⁶ Na ne aind ngoinna mo te, ne Raranj Aetaniacna mombonik wandoik teac te, ne makukar kocor, na mitkar kocor. Na an kamma iarwarna eteacna watapnanmo, ne waraca utinj, te, ne gan tiacarpaikna meikramtairta wiwitmo, tiacarpaikna memetacna kirarira mina rik ndeacranjandet. Na anna an meikramtairta wiwitna tipemb kirarir lainjmo rangaina karica tipemb ngorik witta morinan. Ainda moca Karaisna ritri waparacna Ra, ma meikramtairmo ritri waparaca mo te, aku nena tipemb kirarirta moca tonjon ngoinna monandet. Na aku gaind ndamjinandet, an aiijir aku nena rikca morinanna, anna aku wanaiija mba morinan.

¹⁷ Na nena ritipaca anna ne Raranj Aetani-

2:13 In 15.5, na 1 Ko 12.6, na 15.10, na 2 Ko 3.5, na 1 Te 2.13, na Ib 13.21 **2:14** Ro 14.1, na 1 Ko 10.10, na 1 Pi 4.9 **2:15-16** TW 32.5, na Ais 49.4, na Dan 12.3, na Mt 5.14-16, na 5.45, na 10.16, na Gal 2.2, na Epe 5.1, na 5.8, na Pil 1.10, na 1 Te 2.19, na 3.5, na 1 Pi 2.12 **2:17** Ro 15.16, na 2 Ti 4.6

acmo gimbamba neanrena kirar. Na aku gaind ndamnjirina, mindacniņ, mina aukna racaind-paikmo wainna puk toco nena gimbambaap runki te, aku tonjonandet. Na aku nenap tonjonandet.

¹⁸ Na an tipna kirara ne toco tonjoraņnandet. Na ne aukap gidik ņgoinna tonjoņa moranandet.

Pola Timotimo Pilipaia mandaca taņna kam ndoprinan

¹⁹ Na Kacoot Iesusa tonjo te, rocotta wanaiņ ecte, aku nenmo Timotimo mbagirica ma kipnandet. Na an minna ma aukmo kamma mac nda neaņ kip te, ma nenmo morina reikca aukmo mbopnandet, te, aku tonjonandet.

²⁰ Na aukap eacrina ramoot Timoti, ramoot ianna mana kirara wanaiņ. Timoti ma ramoot gidik, ma aukap iro kabea morenan, na memetmbaca ma nen ņgotacna ndamnjireke, na ma taupembta ņgorerenan.

²¹ Na meikramtair witta mina ndorita reikta moca bubuocrenan, na mina Iesus Karaisna aiņa mo taņraņna iroar landamņiar kocor.

²² Na ne Timotina tipemb kirarir laiņa ne lamņirenan. Na ne lamņirenanna, ma aukmo otaca kam wembaņ laņa aiņa morina, na an kirara nuoca aetmo otacrena kirar ņgoin.

²³ Ainda moca aku emtemma pac lambica watna, kaina reac ņgoinna aukmo laruit, te,

2:18 Pil 3.1, na 4.4 **2:21** 1 Ko 10.24, na 10.33, na 13.5, na 2 Ti 4.10, na 4.16 **2:22** 1 Ko 4.17, na 1 Ti 1.2, na 2 Ti 1.2

inmbaia aku manmo nen ndambuŋmo tawi mbagirica ma kipnandet.

²⁴ Na aku gairica ripacrinan, Kacoota taup tik te, inmbai te, auk toco tawi kipca nenmo watnandet.

Pola Epaproditusmo Pilipaia mandaca tajna kam ndoprinan

²⁵ Na aku gairica ndamŋirenan, aku Epaproditusmo mbagirica ma nen ndambuŋ nakipnandet. Na ma aukna kaka, na ma aukna lapoca ruŋrena aiŋ kabena ramoot, na ne manmo mbagirica ma kipca aukmo otacrena.

²⁶ Na ma nenmo mac watna iro aniacap. Na ma lamŋirenan, ne waracrinanna ma roubap, na anna manmo nikinik iroa moa makukurinan.

²⁷ Na anna gidik, ma ŋgaur ma roubap, na ma maica menaca kattatnan. Na Raraŋ Aetaniacna kakadmairina opotaca manmo otaca ma laŋa morinan. Na man niŋgikmo Raraŋ Aetaniaca mba kadmaia otacrinan, wanaiŋ. Ma auk motocmo kadmaica otacrinan, na an kidrikca makuk aniac ianna aukmo kai mac kitac teac.

²⁸ Airda moca aku manmo nen ndambuŋa mbagirica kipna tonŋon aniacap. Te, ne manmo mac watna, na tonŋonandet. Na auk toco nikinik iroa mba makukuitndai.

²⁹ Airda moca ne Epaproditusmo Kacootna i mbuŋa tonŋoca anŋi. Na airda ramtairmo ne minmo iremb anik neanraŋ.

³⁰ Na ma Karaisna aiŋa moca ma menaca katrinan. Na ma ndomo laŋa eteaca mba

lamñirenanna, wanaiñ. Na ne muruñja kipca aukmo otacna minna wanaiñ tik, Epaproditusa kipca ne manmo auk ñgotacna neañrina aiña, ma anna mori, na ma an aiñ ñingikna ndamñica, aında moca ma ndona roumbmo mindacniña moca roumbmbaia tikca ma an aiña morenan.

3

Ramootta Karaisa ripac te, ma ramoot wandon ñgoin

¹ Aintik Iesusa ripacrena laiplacar, an kambta mamamaia aku gáindopnandet, ne Kacootmo tonjgorañ. Na an kammo nenmo mac tirnanna, aku mba ñaterenan, an kambca ma nenmo otaca nenmo bubuocnande.

² Na ne ndoritake, matau wat, ramtaira rañna piriñ kunarta kirarira aiñir ñgorikca morenan, na an ramtaira gáind ndamñirena, aia muruñja Israelna tipna kirara rañgaica ndorita tikemb injirmo kataca, mo ñgocrainandet.*

³ Na aia ndori tinjgikca Rarañ Aetaniacna Israelnangep gidikna wiwitnan. Na Rarañ Aetaniacna Neronña gargar mbuñja aia manmo mben-deirena, na Karais Iesusna imo anjgi ñgeprenan. Na aia lamñirenan, reikca ramtaira ndorita

3:1 2 Ko 13.11, na Pil 2.18, na 4.4 **3:2** Ñap 22.16, na 22.20, na Ro 2.28, na 2 Ko 11.13, na Gal 5.2, na 5.15, na KIEK 22.15

* **3:2** Ramtair ndeida ramtairmo gáindoprinan, an minna mina Iesusa ripacrena laiplacar ndaru te, mina Israelna tipna kirara rañgaica ndorita tikna injit katacena. Na Pola mina kamma mba tonjgorenan ñgoin, aintik ma Pilipainangepmo kam gargar mbuñja aindopatna, ne ndoritake, matau wat. **3:3** Ro 2.29

tikembca morinan, ma minmo emtemma mba otacitndai.

⁴ Na ne warac, tikna reaca aimo otacna min te, aku ndo, aku laŋ ngoinna eacnandet. Na an ramtaira ndorita tikembmo, reikca ndarurinnanna toŋgorenanmo, aku minmo kunda outmbai.

⁵ Na aukna aemma aukmo mirca rai par kabeapa mbutremb mbonkaca moca, mina aukna tikiŋitmo katacrinan. Na aku Israelnanŋepta ramoot. Na aku Bensamenna barna wiwitnan. Na aku ndona aemaeta Iburuna kam mbuŋ ndoprena kirar ndoprena. Na aku Parisiarta tipemb kirarira ranŋaica Tip Wandikmo aku matau ngoinna ranŋairena.

⁶ Na aku gagraca Raraŋ Aetaniacna aiŋa morina, na ŋgaua aku Iesusna ritipaikta meikramtairta tumbunmo, mo topna morinan. Na ramtaira Tip Wandikna kambta ndamŋi te, na mina aukna tip kirar wandoŋa wat garac te, aku makukar kocor.

⁷ Na aku mbopatna reikta taupca, aku anna ranŋai te, aku kabena ramtairmo kunda tamuŋ ngoin ndeacnandet. Na aku an reikmo muruŋa watrinanna mina reik wanaiŋ koind, aintik aku Karaisna taupca ranŋairenan.

⁸ Na aku Iudanangepta reik tiŋgikta kambtake mba mboprenanna, wanaiŋ. Aku Karais Iesusmo lamŋirenan, ma aukna Kacoot, na aku an landamŋia watca ma reac gidik laŋ

3:4 2 Ko 11.18, na 11.21-29 **3:5** Lk 1.59, na Up 23.6, na 26.5, na Ro 11.1, na 2 Ko 11.22 **3:6** Up 8.3, na 22.4, na 26.9-11 **3:7** Mt 13.44-46 **3:8** Ier 9.23-24, na 1 Ko 2.2, na Kol 2.2

ngoin. Na gan tiacarpaikna reik lainga, anna reik kokoit ngorik. Aintik aku Karais ningikca rangairenan, na aku kabena reikmo tikcaririnan, na aku Karaismo utiņa mikri,

⁹ na manap mikca eacrenan. Na aku Tip Wandikmo rangaia ramoot wandoņ ngoin ndarurinan, na aku anna mba lamņireke, wanaiņ. Aku kabena taup mbuņa ramoot wandoņ ndarurinan, na anna Karaisa ripacrena taup. Na aia Karaismo ripacrenan tik, Raraņ Aetaniac ndoa aimo meikramtair wandoik ndoprenan.

¹⁰ Ainda moca aku tongorinanna, aku Karaismo matau ngoinna lamņina, ma muk ngetacndiņa ngepca, ma gargar aniacap, na aku mana an gargar aniac mananmo garacrinan. Na aku mana girgir anģirena tipna kirara manap mikna. Na an minna ma menaca ma utiņrina landamņi, an landamņi kabea auk toco anmo utiņna.

¹¹ Ainda moca aku gaimda lamņirinan, auk toco muk ndiņa mac ngepnandet.

Pola gagraca ootta nganņanņgia taņ laruna morena

¹² Na aku gaimda lamņirinan, aku Karaisna tipna kirara mba kocnaia anģireke, na ramoot laņ ndarurinan, wanaiņ. Na memetmbaca aku gagraca an tipna kirarmo utiņrenan, na an kirar mbuņa Karais Iesusa aukmo utiņgatnan.

3:9 Ro 3.21-22, na 9.30, na 10.3-6, na Gal 2.16 **3:10** Ro 6.3-5, na 8.17, na 2 Ko 4.10-11, na Gal 6.17, na 2 Ti 2.11-12, na 1 Pi 4.13

3:11 Lk 14.14, na Up 4.2, na 1 Te 4.16, na KIEK 20.5-6 **3:12** Up 9.5-6, na 1 Ti 6.12, na 6.19, na Ib 12.23

¹³ Na ne Iesusa ripacrena laiplacar, aku gaind ndamñirenan, aku an tipna kirara mba kocnaia anğireke. Na aku iro kabe ningikap, aintik aku nğauna reikmo muruņa ndarekrekena iroap, aında moca aku gagraca aiņa moca an inğmbai ndaruna opoik laņmo anğina.

¹⁴ Na an nğanğanğia mina tikrinanna, aku gagaraca ootta mina nean ndoprina opoik laņmo anğirina. Na an reac laņa ma gaind. Karais Iesusna aiņ mbuņa, Raraņ Aetaniaca aukmo aca aku tamuņna auņa nğaca, manapmo eteac laņ ndeacna.

¹⁵ Na aina iroar landamņiar, anna landamņiarta ramtairta iroar landamņiar laiņta kirarir toc ndaru te, aia muruņa anna ranğairan. Na ne kabena iroar landamņiarap te, Raraņ Aetaniaca ma nena an iroar landamņiar motocmo ma tiņara monandet.

¹⁶ Na tip laņna kirara aia anğirinan, na anna aia gagaraca utiņran.

¹⁷ Aintik ne Iesusa ripacrena laiplacar, ne muruņa aukna tipna kirara ranğai. Te, ne an ramtaira aina tipembta kirarirmo ranğairenanna, ne mina tipemb kirarirmo matau watca anna ranğaina.

¹⁸ Na kakadmai nğoin, meikramtair witta Karaisna ik nakeracmo puņdamoota moca eacrenan. Na memetmbaca aku nenmo an mina

3:13 1 Ko 9.24-26, na 2 Ko 5.16, na Ib 6.1 **3:14** 1 Ko 9.24, na 2 Ti 4.7-8, na Ib 3.1, na 12.1 **3:15** 1 Ko 2.6, na 14.20, na Gal 5.10
3:16 Ro 12.16, na 15.5, na Gal 6.16 **3:17** 1 Ko 4.16, na 11.1, na Pil 4.9, na 1 Te 1.6-7, na 1 Pi 5.3 **3:18** 1 Ko 1.23, na Gal 1.7, na 2.21, na 6.12, na Pil 1.15-16

tipembta kirarirmo mboprinan, na mandeaca aku nenmo mac mambopek. Na aukna lamniaca timbca irikrenan.

¹⁹ Na mina ndorita tikembta toŋtoŋgara ranġairenan, na an toŋtoŋgara anna mina miripraraŋna kirar toc ndeacrenan. Na memetmbaca mina gan tiacarpaikna reikta ndamŋirenan, na mina titocna numbirta tipemb kirarira mona toŋgorenan. Na an meikramtaira Raraŋ Aetaniaca minmo kocnaia mo topnande.

²⁰ Na aia, aia auŋ tamuŋna meikramtair ndeacnandet. Te, Kacoot Iesus Karaisa tamuŋna auŋmo tikcarica irikca aimo mac nda aŋġina moca aia anna lambirenan.

²¹ Ainda moca Karaisna gargar mbuŋa ma reikmo moca mina mana kaŋġaukca eacnandet, na an gargar mbuŋa ma aina ġirġir neaŋrena tikembmo ŋgetrikinandet. Te, aina an tikembca laiŋ, laiŋ koinda mana tikna kirar toc ndarunan-det.

4

Aia iro kabe aŋġica toŋgoca iroar landamŋi laiŋ aŋġi

¹ Ainda moca aukna Iesusa ripacrena laiplacar laiŋ, ne Kacootna moca gagraca witik, an aku mboprina kirar. Na aku nemo matŋirena, na aku nenmo watna toŋtoŋ aniacap. Na nena morena tipemb kirarira aku toŋgorenan, na

3:19 Ro 8.5-6, na 16.18, na 2 Ko 11.12, na 11.15, na 2 Pi 2.1 **3:20** Epe 2.6, na 2.19, na 1 Te 1.10 **3:21** Ro 8.29, na 1 Ko 15.28, na 15.43-53, na Epe 1.19, na Kol 3.4 **4:1** 1 Te 2.19-20

nena imo anġi nġeprenan, na aku nemo tonġon nġoin.

² Na Iuodiaapa, Sintike onġo warac. Onġo muruġniġa Kacootna wiwitna meacniġ, aintik onġo iro kabea tik.

³ Na Susugos, u aukna aiġ kabe nġoin, aku unmo mambopek, u an meacniġmo otac. Na maniġa aukmo matau nġoinna miġca otacrena, na aku kam wembanġ laġna aiġa wiwiritiran. Na Kelemenapa aukna aiġ kabe ndeida, mitoco aiap aiġa morinan. Na an wiwitna irembca muruġa iarwarna watna timbigta kapna inikca eacrenan.

⁴ Ainda moca ne memetmbaca Kacootmo tonġoranġ. Na aku mac mambopek, ne manmo tonġoranġ.

⁵ Aintik ne meikramtairap muruġa laġan ndeac te, minmo watcarica mina nena tiġemb kirarir laiġta kirarira watna. Na ne lamġi, Kacootta kġpna marambuġaiek.

⁶ Na ne reikta moca tamtamma kai lamġi teac, wanaiġ. Ne memetmbaca Raraġ Aetaniacmo nena makukarta kambmo mbopraġ. Na Raraġ Aetaniacmo mbendei, na ne manmo kam laġ neaġ, na manmo ndori nġotacna digiraġ.

⁷ Na nikinik iro wetwetta Raraġ Aetaniaca aimo neaġrenanna, anna reac laġ nġoin, aintik aia ramootta mana an miġniġa mba garacitndai.

4:3 Nġap 69.28, na Lk 10.20, na KIEK 3.5, na 20.12 **4:4** Ro 12.12, na Pil 3.1, na 1 Te 5.16, na 1 Pi 4.13 **4:5** Ib 10.25, na 10.37, na Ie 5.8-9, na 1 Pi 4.7, na 2 Pi 3.8 **4:6** ML 16.3, na Mt 6.25-34, na Lk 12.22-31, na Kol 4.2, na 1 Pi 5.7 **4:7** Ais 26.3, na In 14.27, na Ro 5.1, na Kol 3.15

Ainda moca ma nenmo moa iroar inkara wewetar koind teacnandet, na an tipna kirara Karais Iesusa nenmo bubuocnandet, te, nena iroar inkara lainj koinda eacnandet.

⁸ Ainda moca Iesusa ripacrena laiplacar, aku kabena kam mac mbopna mamoeck. Na memetmbaca ne kamb gidkarapa tipemb kirarir gidkarta tamjirañ, na meikramtaira mona tipemb kirarir rattar lainjta tamjirañ, na tipemb kirarir wandoikta tamjirañ, na tipemb kirarir tamjirañ, na reik taror lainjta tamjirañ, na reik lainj koindta tamjirañ, na an tipemb kirarira out ngoinnanmo tamjirañ, na aia meikramtaira muruñja morena tipembta kirarirmo tonjoca watrenanmo tamjirañ.

⁹ Na aku nenmo riptirina tipemb kirarira ne muruñja mo, na ne minmo mataua lamjirenan, na an tipembta kirarira ne waracrinanna, aku mina kambmo wiwitinan, na aku morenanna ne watrinan, an tipembta kirarirmo, ne muruñcamiña memetmbaca morañ. Na Rarañ Aetaniaca ma nikinik iro wetwetna tipna kirarna minin, na ma nenap eacnandet.

Pola tonjoatna Pilipainanjepca manmo reik lainja neanja tanjatna

¹⁰ Na mandeaca ne aukmo otacna iro mac mo ngeprinan, ainda moca aku Kacootmo tonjon ngoin. Na anna gidik, ne ngaua auk ndamjirinan, na ne aukmo otacna taupemb kocor.

¹¹ Na aku reikca mba matpirinan, na aku gan

kambca mboprinan, wanaiņ. Aku nikinik iro wetwet ndeteacna tipna kirara lamņirinan, na kaina reaca aukmo laru te, aku mba nduitndai.

¹² Na aku mba ndurenan, aku reik kocor ņgoin, co, aku reik witapnan, aku laņanna eacrenan. Na laņanna eacrena tipna kirara aku lamņirenan, na anna aku mba ndurenan, aku amna reik witap, co, nik wapataia eacrena, co, reik witap, co, aku reikca matpirena. Ainta reikca aukmo muruņa laruna min, na aku laņan ndetecapa, nikinik iro wetwetta eacrenan.

¹³ Na Karaisa aukmo mo gagrarenan, na mana gargar mbuņa aku reikca muruņa mona min.

¹⁴ Na ne aukmo otacrina tipemb kirarira aku toņtoņ ņgoin, ne aukap mikca aukna makukara mbukrinan.

¹⁵ Na ne Pilipaina meikramtair, ne lamņirenan, an minna aku kam wembaņ laņa kammo nen ndambuņa mandebca mo ņgeprinanna, aku Masedoniana pitrik waņa tikcaririnanna, kabena Iesusna ritipaikta meikramtairta tumbuna aukmo mba mikca kitukndukmo opotacna tipna kirara mba otaca neaņrinan, wanaiņ. Anna ne ndori tingikca aukmo otacrenan.

¹⁶ Na an minna aku Tesalonika eacrinanna, ne aukmo kidrik ndeida opotaca morenan.

¹⁷ Na ne gainda kai lamņi teac, aku nenmo reik laiņa digirenan, wanaiņ. Aku toņgorinanna, nena tipembta kirarira laiņa

laruraŋna, te, Raraŋ Aetaniaca nenmo moi laingā moranndet.

¹⁸ Na an minna ne aukmo reikca neaŋga kiprinan, aku minmo muruŋcamiŋa aŋgirinan. Na an reikca ne Epaproditusmo neaŋrina reik laingā, aukmo otaca aku reikca min min ŋgoin. Na an reikca Raraŋ Aetaniacmo ma iŋpai laŋna gim bambna kirara toc ndarurinan, na anna manmo moca ma toŋtoŋ ŋgoin.

¹⁹ Na aukna Raraŋ Aetaniac, ma nenmo muruŋa neaŋnandet, an mana laimnembta iniknanapa, Iesus Karaisna gargar aniac mbuŋa, ma titocna reik laiŋ laiŋmo, meikramtairmo larapacrinan. Aintik kainta reikca ne matpi te, ma nenmo kocnaia moa minna tiknandet.

²⁰ Na Raraŋ Aetaniac, ma Raraŋ Aetaniac, na ma aina Aet, aintik aia mana i aniacmo memetmbaca iarwar naaŋgi ŋgepraŋ. Na anna gidik.

Pola Pilipainanŋepmo ra laŋ neaŋrinan

²¹ Na aku Karais Iesusna Raraŋ Aetaniacna meikramtairmo, muruŋcamiŋa ra laŋa neaŋrinan. Na aukap eacrena Iesusna ripacrena laiplacara nenmo ra laŋ toco neaŋrina.

²² Na Raraŋ Aetaniacna meikramtaira muruŋcamiŋa nenmo ra laŋna kam ndoprinan, na an Sisana kacna aiŋa morena wiwitta aukmo gagarac mbopca aku nenmo ra laŋna kam ndopna morinan.

4:18 NA 29.18, na Esi 20.41, na 2 Ko 9.12, na Epe 5.2, na Pil 2.25, na Ib 13.16 **4:19** Njap 23.1, na 2 Ko 9.8, na Epe 1.7 **4:20** Ro 16.27, na Gal 1.5 **4:22** Pil 1.13

²³ Aintik Kacoot Iesus Karaisa nenmo kad-
maica nena kabe, kabena ŋeroŋap eacnandet.

**Raraŋ Aetaniacna Kam Wembaŋ Lan
New Testament in Mborena Kam language
Nupela Testamen long tokples Mborena Kam long
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 18 Apr 2025 from source files dated 29 Jan 2022

8e1073ed-d2dc-5f3a-bb48-5406185123a7